



Na osnovu člana 17. stav 2. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u vezi sa članom 61. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je na sjednici održanoj 13.04.2023. godine, donijelo

O D L U K U **o imenovanju tužioca u Tužilaštvo Bosne i Hercegovine**

- I. Za tužioca Tužilaštva Bosne i Hercegovine imenuje se **Imamović Sanita**.
- II. Imenovana stupa na dužnost 08.05.2023. godine.
- III. Ova odluka stupa na snagu danom donošenja i objavljuje se na internet stranici Vijeća.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 04.05.2022. godine, objavilo javni konkurs, broj: 04-07-3-1614-1/2021, kojim su, između ostalih pozicija, oglašene i tri (3) pozicije tužioca u Tužilaštvo Bosne i Hercegovine.

Nakon provedene konkursne procedure, nadležno podvijeće je izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i Poslovníkom Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je odlučilo da za jednu od tri oglašene pozicije tužioca Tužilaštva Bosne i Hercegovine imenuje kandidatkinju pod rednim brojem 3 na rang listi, Imamović Sanitu.

Vijeće je nakon ocjene stručne sposobnosti kandidatkinje zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidatkinje da odgovorno, nezavisno i nepristrasno obavlja funkciju tužioca, uzimajući u obzir, između ostalog, dosadašnje radno iskustvo kandidatkinje, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci i ocjene kriterija podobnosti, ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o VSTV-u BiH.

Shodno navedenim kriterijima kandidatkinja je u toku konkursne procedure ostvarila ukupno 120,4 bodova od mogućih 125 bodova, čime je ostvarila potreban uspjeh u smislu člana 59a. stav (1) tačka c) Poslovnika VSTV-a BiH, kako bi bila predložena i imenovana za tužioca u navedeno tužilaštvo.

U pogledu radnog iskustva kandidatkinje, Vijeće je imalo u vidu činjenicu da imenovana kandidatkinja od 2014. godine obavlja dužnost tužioca u Kantonalnom tužilaštvu Kantona Sarajevo. Prije toga, obavljala je poslove stručnog saradnika u Tužilaštvu Bosne i Hercegovine, pripravnika i pravnog saradnika u Uredu registrara Bosne i Hercegovine, pravnika u Direkciji za evropske integracije BiH i pravnika u NVO za kulturu i umjetnost.

Imajući u vidu sve iznesene razloge, Vijeće je odlučilo kao u izreci ove odluke.


 Predsjednik VSTV-a BiH
 Halil Lagumadžija